



Comunicado di Prensa

25 di mei 2023

Colegionan di supervision financiero ta bishita Hulanda

Den Haag – Di 22 pa 24 di mei 2023 e Colegionan di supervision financiero a haci un bishita di trabou na Hulanda. Aya nan a reuni cu Secretario di Estado di Asuntonan Interno i Relacion den Reino, Secretario di Estado di Finansa, e miembronan di Eerste y Tweede Kamer, e Ministernan Plenipotenciario, Controlaria General (Algemene Rekenkamer) y Consejo di Estado (Raad van State). Durante e combersacionnan a papia tocante un trayectoria plurianual pa logra un finansa publico sostenibel y e prioridadnan principal relaciona cu esaki pa e paisnan y entidadnan publico den Caribe.

Corsou, Aruba y Sint Maarten ta concentra nan mes riba recuperacion despues di e añanan di crisis. Pa esaki, segun e Colegionan, ta importante pa reduci nivel di debe y aumenta nivel di inversion. Esaki ta rekeri surplus presupuestario for di año 2024. Corsou a registra bon resultado recientemente cu aumento di entrada fiscal. Aruba y Sint Maarten tin un gran potencial ainda pa esey. Esey ta rekeri reforma y esfuerso firme pa mehora cumplimiento fiscal riba corto plaso. Control di gasto tambe ta sigui ta mes importante pa e tres paisnan. Inversion cu ta reforsa economia lo yuda den e recuperacion. Ta pa e motibo ey e kolegionan ta recomenda pa yega na plan di inversion plurianual. Un otro prioridad importante ta pa haci e fondonan social sostenibel. Sin reforma, nan lo resulta inpagabel den futuro.

Pa e entidadnan publico di Boneiro, Sint Eustatius y Saba prioridad mas specifico ta conta. Maneho financiero ta keda un punto di atencion pa tur e islanan. Pa Saba respectu garantia di nivel y pa Boneiro y Sint Eustatius respectu e mehoracionnan cu ta realisa.

E retonan riba tereno di finansa publico den parti Caribense di Reino, y cu esey e importancia di supervision financiero, ta mes grandi ainda. Door di pone prioridad y reforsa e relacionnan, e colegionan ta spera di por contribui atrobe pa logra un finansa publico sano y sostenibel den e proximo periodo.

Presidente Lidewijde Ongerling y e miembronan ta mira atras na un biahe exitoso. E colegionan ta bishita Hulanda un biaha cada dos año. E bishita a tuma luga pa prome biaha bou di presidencia di Lidewijde Ongerling. E colegionan ta consisti ademas di e presidente, di e miembro postula pa Hulanda Hans Hoogervorst, e miembro postula pa Aruba Hellen van der Wal, e miembro postula pa Boneiro, Sint Eustatius y Saba Glenn Thodé, e miembro postula pa Sint Maarten Julisa Frans y e miembro postula pa Corsou Gregory Damoen.

[Fin di e Comunicado di Prensa]



Fotografo:

Cft

Texto na potret:

E Colegionan a discuti e desaroyonan actual cu instancia y stakeholder na Hulanda. Riba e potret Gregory Damoen, Hellen van der Wal, Hans Hoogervorst, Alexandra van Huffelen, Lidwijde Ongering, Glenn Thodé, Roald Lapperre i Julisa Frans.

Nota pa redaccion – no pa publicacion

Persona di contacto na Cft:

Secretariado di e Colegionan di supervision financiero
Telefon +5999 461-9081 / +5999 461-9082 / +5999 461-9084
Email info@cft.cw
Website www.cft.cw

Persona di contacto cu Prensa:

Jefka Alberto
Telefon +5999 512-6861